



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 4. Vtrum omne Sacramentum sit res sensibilis.

---

[urn:nbn:de:hbz:466:1-72898](#)

## 2 Quæst. 60. De Essentia Sacramenti. Art. 1.2.3.4. Dub.

3  
Strictius  
accipitrus  
pro Cære-  
monia.

Verum hæc acceptio est valde generalis. Stric-  
tor magisque propria erit, si illud signum sit ce-  
remonia quædā solennis, religiosa, aliquid occulti  
mysterij significans. Quomodo Augustinus lib. 4.  
De symbolo ad Catechumenos cap. 1. omnia Sa-  
cramentalia vocat Sacraenta; ut exorcismos,  
insufflationes, & alia huiusmodi, quæ Sacra-  
mentorum administrationes sunt annexa. Et simili modo  
accipitur in illa sententia D. Augustini lib. 19. cō-  
tra Faustū c. 11. In nulla religione sive vera sive falsa,  
homines inter se posse colligari abh[ic]que aliquo signaculo-  
rum seu Sacramentorum consilio: id est, abh[ic]que ex-  
ternis ceremonijs. Nos tamen hoc loco non tam  
generatim de Sacramentis disputationem; sed de ijs  
foliis quæ sunt ceremoniæ ad homines sanctifican-  
dos, & ad res sacras designandas, sive in lege noua,  
sive in lege veteri sint instituta. Hæc namque  
ceremoniæ in religione principatum tenent: vni-  
de nomen Sacramenti præ ceteris sibi vindicant.

### ARTICVLVS I.

#### Vtrum Sacramentum sit in genere signi?

4 R Espondetur, Sacramentum pro vt h[ic] acci-  
pitur, esse in genere signi: id est, esse speciem  
signi. Potest enim aliquid dici Sacramentum, vel  
quia in se habet sanctitatem occultam, vel quia est  
signum occulte sanctitatis, & ita h[ic] accipitur.

Potes, Cur portius Sacramentum est in genere  
signi, quæm cauſæ, cum etiam sit cauſa?

Respondeo, De ratione Sacramenti in genere  
non est esse cauſam sanctitatis perfectæ, quæ ani-  
ma sanctificatur: tamen de ratione eius est, esse  
saltē signum huius sanctitatis.

5  
Sacramen-  
tum alter  
dicitur à  
sacro, alter  
à medicina.

In Responsione Ad 1. Aduerte aliter Sacra-  
mentum dici à sacro, aliter medicamentum à  
medicina. Medicamentum enim dicitur à medi-  
cina, tanquam medicina instrumentum; vnde ex  
vi sua originis designat habitudinem cauſæ ef-  
ficiens ad sanitatem, sicut medicina. Sacra-  
mentum autem dicitur à sanctitate tanquam à termi-  
no extrinſico quem respicit: quæ habitudo po-  
test esse varia; scilicet vel signi, vel cauſæ, vel  
effectus: vnde ex vi sua originis non significat  
habitudinem cauſæ efficientis veram sanctitatem  
anima; absolute tamen significat aliquam habi-  
tudinem cauſæ efficientis, vel formalis, reſpe-  
ctu sanctitatis in genere. Sicut enim vestimen-  
tum dicitur quo vestrīmūr, & ornamētum quo  
ornamur; ita Sacramentum, quo aliquo modo  
sacramur.

### ARTICVLVS II.

#### Vtrum omne signum rei sacra- sit Sacramentum?

6 R Espondetur, Non omne signum rei sacra-  
re Sacramentum; sed signum rei sacrae san-  
ctificantis hominem: id est, signum quod signifi-  
cat rem sacram, quatenus illa actu sanctificat ho-  
minem secundum animam, vel aliquando sancti-  
ficatura est.

### ARTICVLVS III.

#### Vtrum Sacramentum sit signum vnius rei tantum?

R Espondetur, Non vnius rei tantum, sed  
multorum est signum. Est enim signum cō-  
memoratiuum Paſſionis Christi præterita; de-  
monstratiuum sanctificationis praefentis; & pro-  
gnoſticon gloriæ futurae.

Notandum est, Hoc solūm esse verum in Sa-  
cramentis nouæ legis. Nam Sacraenta vetera  
non significabant praesentem animæ sanctificatio-  
nem, neque etiam gloriam futuram, nisi valde  
remotè. Vnde non est hoc de ratione præcisa Sa-  
cramentum in generis; sufficit enim significatio san-  
ctitatis iuxta 2. Articulū: quamvis cauſas huius  
sanctitatis, scilicet efficientem & finalem non ex-  
presse defigneret.

### ARTICVLVS IV.

#### Vtrum omne Sacramentum sit res sensibilis?

R Espondetur, Omne Sacramentū est res ali-  
qua sensibilis. Vbi nomine rei sensibilis non  
solūm intelligitur res permanens; vt aqua, oleum,  
panis: sed etiam vīus eius; vt ablūtio, vñctio &c.

Circa hos Articulos explicanda est breuiter  
Sacramenti definitio.

### DVBIVM.

#### Quæsi integræ Sacramenti ratio & definitio?

C Aluinus lib. 4. Institut. c. 14. in principio sic  
definit: *Sacramentum est externum symbolum,* Caluiniana  
*quo Deus benevolentie erga nos sua promissiones con-*  
*sientijs nostris obſignat, ad fidei noſtri imbecilitatem* Sacramen-  
to delin-  
tio.  
*sufficiendam.* Vbi Caluinus, vt patet ex illo cap.  
quatuor requirit ad Sacramentum. Primo, Diu-  
nam benevolentiam qua nos diligit ab æterno pro-  
pter Christum. Secundo, Promissionem qua Deus  
in Scripturis promisit nobis huius benevolentiae  
effectum (scilicet iustitiam imputatiuum) exhibitiū  
iri per fidem, vel parentū (vt sit in parvulis Chri-  
stianorum, qui iudicio Caluinii nascuntur sancti  
propter fidem parentum;) vel propriam cuiusque;  
vt in ijs qui non sunt nati ex Christianis. Tertio,  
Requirit externum symbolum quo Deus nobis  
testetur hanc suam benevolentiam & promissionis  
exhibitionem. Quartò requirit vt credamus si ante  
nō credebamus; vel certe vt firmius credamus  
nos esse prædestinatos, & ex vi diuinæ promissio-  
nis iustificatos, quæ nobis applicata est per fidem,  
nostram præcedentem, vel parentum nostrorum.  
Hinc apud Caluinistas, ei qui Sacramentum suscep-  
turus est, primū leguntur aliqua diuinæ pro-  
missiones, qualis est illa Genes. 17. v. 7. *Ego Deus  
tuus, & semini tui post te.* Et Marci 16. *Qui crediderit  
& baptizatus fuerit, saluu erit:* quas promissiones  
suscepturus Sacramentū debet credere sibi appli-  
cas; deinde vt hoc firmius credat, applicatur illi  
symbolum externū, quod est velut sigillū diuinū  
confirmans promissiones apud conscientiū homi-  
nis. Nihil ergo aliud est Sacramentū apud ipſos,  
quæ signum quoddam extēnum nobis applica-  
tum, vt firmius credamus nos anteā à Deo pro-  
pter.

## Quæst. 60. De Essentia Sacramenti. Art. 4. Dub.

3

pter Christum esse electos, prædestinatos & iustificatos. Sicut enim litteris Regijs appenditur Regium sigillū ut maior ipsis fides habeatur; ita diuine promissioni anteā à Ministro recitata adiungitur Sacramentum, ut maior fides ipsi habeatur.

In hac definitione plurimi sunt erros. Pri-

1. Error in mō. Quia vult Sacramentum esse nudum & aridum symbolum, nihil homini conferens, sed solum testificans fauorem diuinum antē præstitum.

Secundō, Quia vult Sacramentum esse signum diuinæ erga nos benevolentię, quam Deus tantummodo habet erga Prædestinatos, iuxta Caluinum. Vnde sequitur primō, Solos prædestinatos suscipere Sacra menta: si enim reprobans suscipiat externum symbolum, hoc non erit Sacramentum, quia non erit signum diuinæ benevolentię erga illum. Sequitur secundō, Peccare Ministros, qui applicant Sacra menta ijs, de quibus ignorant an Deus illa benevolentia prædestinationis eos prosequatur: si enim applicant reprobis, facient Deum testem mendacijs. Et cùm de nemine certi sint, semper exponent se periculo sacrilegij, quando illud sigillum applicabunt.

3. Error. Tertiō, Quia vult Sacramentum esse signum diuinæ promissionis nobis applicatæ. Vnde sequitur primō hominem esse iustum, antequam veniat ad baptismum: imo Deum uniuicuique baptizando promisso per verbum suum iustitiam ante baptismum, alioqui baptismus esset falsarum litterarum ob signatio. Sequitur secundō, Nullam requiri dispositionem in suscipiente; quia Sacramentum solum significat nos iam esse consecutos diuinam promissionem. Sequitur tertio, Illam promissionem, vt in nobis effectum habeat, nihil aliud requirere, quām vt ipsi credamus, vel ex Christianis parentibus nati simus.

4. Error. Quartō, Vult istud symbolum externum nostris Conscientijs ob signare diuinas promissiones, id est, facere vt firmius credamus illas nobis esse applicatas. Vnde sequitur Primō, Baptismum parvulorum & amentium nō esse Sacramentum: quia non habent Conscientiam proprię, cùm non habeant usum rationis: quod tamen est contra Caluinistas, qui parvulos baptizant. Secundō, Eos, qui non credunt talibus promissionibus, non suscipere usum Sacramentum; ac proinde esse postea repabtizandos. Tertiō sequitur, Verbum Dei nos reddere minus certos, quām ipsum Sacramentum: nam si Sacramentum sufficiat imbecillitatem fidei nostræ, efficiens vt firmius credamus id quod anteā per verbum Dei crēdebamus: ergo Sacramentum dat firmitatem verbo Dei; quod est absurdum: nam omnis auctoritas Sacramenti est ex verbo Dei. Quod confirmatur, Quia verbum Dei debet credi fide diuina & certissima, nam ellsen infidelis, si illo modo de eo dubitarem: ergo Sacramentum non potest me reddere certiorem, quām verbum Dei. Confirmatur Secundō, Quia cùm Minister ignoret diuinum consilium circa me, non potest Sacramentum, quod mihi ab ipso præbetur, me reddere certiorem diuina erga me benevolentia, quām ipsum verbum Dei, quod scio esse profectum ab ipso Deo.

Comparatiō Caluinī. Vnde patet, Caluinum perperam comparare diuinam promissionem diplomari, Sacramentum Sigillo: Quia diploma sine Sigillo nullam habet auctoritatem; verbum autem diuinæ promissio-

nis est summa auctoritatis, etiam sine omni Sacramento. Deinde, Sigillum secundum se est summa auctoritatis, nam habet auctoritatem immediatā à Rege, non à diplomate: Sacramentum autem sine promissione est nullius auctoritatis, vt ipsi Caluinista docent.

Ex his facile potest refutari definitio Lutherorum: *Sacramentum est ritus habens Dei mandatum, & annexam promissionem gratiae & remissionis peccatorum apprehensam per fidem in Christum.* Quæ definitio nō multum differt à definitione Caluinistarum: vult enim Sacramentum nihil nobis conferre, sed solum in nobis excitare fidem specialē, qua credamus nos propter Christum iustificari.

In primis contra hanc definitionem facit, quod Rejecit. ad rationem Sacramenti non requiratur, vt in Scripturis existet mandatum de eius usu; possunt enim esse quædam Sacra menta libera. Similiter, Neque vt existet promissio gratiae & remissionis peccatorum: nam conditio & natura Sacramenti non pendet à verbo Dei, quatenus scriptum est; sed ab ordinatione diuina etiam non scripta. Denique, Non requiritur vt hæc promissio fide apprehendatur, alioqui baptismus parvulorum & amentium non esset Sacramentum, nec haberet usum effectum. Nā quod Lutherani dicunt usum rationis in infantibus, dum baptizantur, diuinus dari, ridiculum est. Item, Qui non apprehenderet, aut non crederet illam promissionem dum baptizatur, non recipiet verum Sacramentum; ac proinde esset rebaptizandus, quod est hæreticum. Adde; Lutheranos in hac definitione supponere Sacra menta nihil operari, nisi excitando nostram fidem, vt apprehendamus diuinam promissionem Sacramento annexam, id est, vt credamus nobis per Christum peccata remitti. Vide Concilium Tridentinum sess. 7. Can. 5. 6. & 8. vbi damnatur definitio Lutheranorum & Caluinistarum.

Sed Objetetur à Caluino: *Apostolus ad Romanos 4. v. 11. Circumcisio, que erat figura Baptismi, appellat ὁραγίδα, id est, Sigillum seu Signaculum: ergo nostra Sacra menta nihil sunt aliud, quām signa paceti & promissionis diuinæ.*

Respondeo; Apostolus non vocat Circumcisio signum paceti, seu promissionis, sed iustitiae fidei. Data enim est Abraham Circumcisio, vt ipse per eam tamquam per diuinum signum consignaretur; & declararetur, quod propter fidem suā, quā credidit, & obediuit Deo, sit iustificatus, & meruit fieri Pater multarum Gentium, & Pater populi Israëlitici, vt recte exponit Chrysostomus in hunc locum. In alijs enim Circumcisio nō fuit huius rei signaculum: sicut Baptismus non est eiusdem rei signum in nobis & in Christo. Vide Augustinum lib. 4. contra Donatistas cap. 24.

His reiectis, Vt Sacramentum in genere describatur:

Nota, Ad Sacramenti rationem duo requiri. Primo, Vt sit cæmeronia aliqua sacra, vi sua sanctimonia aliquam conferens; non enim solum ad sacramentum significandum, sed etiam ad sanctificandum instrumentorum veteris & novae Legis.

Quod Sacra menta legis Veteris conferrent vi sua sanctitatem quandam legalem & corporalem, que non pertingebat ad animam: vt patet ex Apostolo ad Hebreos 9. vbi vocat ea Iustitias tamis, que Conscientiam non possunt purgare; Sacra menta

Aaa ij autem

4 Quæst. 60. De *Essentia Sacramenti*. Art. 4. Dub.

autem nouæ legis vi sua sanctificet anxiæ. Vtraque tamen in hoc conueniunt, quod ex vi diuinæ institutionis, & ex opere operato sanctitatem aliquam conferant vel corporalem vel spiritualiem. Sicut ergo sanctitas est analogum ad sanctitatem animæ & corporis, ita Sacramentum hæc ex parte est analogum ad vetus & nouum Sacramentum; ut insinuat Magister art. 4. dist. 1. & D. Thomas ibidem q. 1. art. 1. ad 3. Secundò, Requiritur ut significet veram animæ sanctitatem; ut colligitur ex D. Thoma art. 2. ad 3.

Poterit ergo in genere sic describit. Sacramentum Est ceremonia externa, seu signum sensibile, ad homines quodam modo sui vñu sanctificandos, & veram animi sanctitatem significandam institutum.

Primo, Sacramentum est Signum sensibile, seu ceremonia externa: quia licet potissimum signa spiritualia ad homines sanctificandos institui, v. g. actus fidei, attritionis, orationis; tamen non sufficiunt humanae naturæ accommodata, sed potius Angelica: nam signum humanum debet esse sensibile. Nam Signum est, quod præter speciem, quam sensibus ingerit, aliquid aliud facit in agitacione venire; Ut inquit Diuus Augustinus lib. 3. de Doctrina Christiana c. 1. Vnde consentaneum erat, vt ea, quibus Sanctificamur, in rebus sensibilibus intuerentur. Cuius plures sunt rationes; quarum prima est: quia homo compositus est ex anima & corpore, natura sensibili & intelligibili: vnde sicuti spiritualibus & Angelicis naturis diuina Mysteria & munera traduntur nudè & spiritualiter, ita hominibus tradi debent sensibilibus signis obiecta; ut per sensibilia, ea possint cognoscere, estimare & amplecti; vt docet Dionys. c. 1. cap. Hierarchia. Vnde Chrysost. homilia 83. in Matthæum. Si essem incorporeus, nudi ipsa dona incorporea tibi tradidisset; sed quia corpori iuncta est anima tua, ideo in rebus sensibilibus tibi intelligenda traduntur. Secunda ratio est, Quia non tantum anima, sed etiam corpus animæ instrumentum peccato inficitur. Vnde vt vtrumque expiaretur, debebat in re corporali virtus spiritualis constitui. Ita Cyrillus Alexandrinus lib. 2. in Ioannem cap. 42. Tertia est, Ut homo non solidum animo, sed etiam corpore Deum coleret: nam administratio & suscepitio Sacramentorum, sunt actus Religionis. Quartæ, Ut homo, qui per peccatum à spiritualibus descendens, se rebus sensibilibus subiecerat, iisdem seruire cogeretur, & subesse: tum ad humilitatem exercitium, tum ad spiritualium bonorum recuperationem. Ita D. Thomas quæst. 61. art. 1. Quinta, Ut populus Dei per hæc signa ab alijs populis distingueretur, & firmius in vnam Religionem coalesceret. Nam sine talibus signis externis non possunt homines in unum nomen sive vera, sive falsa religionis conspirare; ut docet Diuus Augustinus lib. 19. contra Faustum cap. 11. Vnde etiam falsa sectæ suas cærenonias habent. Sic circumcisio data fuit Iudeis, vt in vnam religionem conuenient, & ab alijs distinguenterentur, vt paucum docent Patres. Idem facit Baptismus, cum reliquis Sacramentis in noua lege; vnde Gregorius Nazianzenus, oratione in sanctum Baptisma, dicit Baptisma vocari Sigillum, quia est significatio Domini, id est, quia significat cuius Domini simus famuli & cultores. Vide D. Thomam lib. 4. Contra gentes cap. 56. Ex his sequitur, neque Contraria

tionem, si nullo signo externo prodatur; neque corpus Christi in Eucharistia, nisi accipiatur simul cum ipsis speciebus, esse propriæ Sacramentum:

Secundò, Dicitur in definitione: Ad homines quodammodo sui vñu sanctificandos; nam Sacraenta instituta sunt, ut conferant aliquam sanctitatem dum applicantur, vel corporis vel animæ: Hinc excluduntur primò, omnia illa signa, quæ non sunt instituta ad vñum, ut illis tamquam ceremoniis vñam; ut Mare rubrum, columna rubis, lignum vñæ. Secundò, Ea quæ non sunt instituta ad sanctificandum; ut Serpens aneus manha, aqua de petra, & similia. Item omnia Sacrificia, quæ talia sunt; quia non ordinantur ad sanctificandum, sed ad colendum Deum: in hac enim ordinatione ratio sacrificij consistit. Possunt tamen hæc sacrificia sub alia ratione esse Sacraenta, quatenus iam oblata mystico modo consumuntur ad sanctificationem vtentium; ut pater in Eucharistia: in qua consumptione, est ratio sacrificij, quatenus fit in honorem Dei; & est etiam ratio Sacramenti, quatenus fit ad sanctificationem hominis. Idem videtur est in multis sacrificijs veteris legis.

Item excluditur Ablutio pedum: et si enim Ablutio ea ablutio, qua Christus pedes Apostolorum pedum est Eucharistia, aliquam illis sanctitatem contulerit; ut indicatur Ioan. 13: Nisi lauero te, non habebis partem mecum, tamen Christus non instituit hanc ceremoniam, ut ex ea homines sanctificarentur; sed potius per eam dedit exemplum charitatis, & humilitatis; voluitque nobis insinuare puritatem animæ ad Sacramentum Eucharistia requiritam; vt D. Ambros. lib. 6. De hi qui mystice initiantur, & Bernardus sermone de Cena Domini. Et ratione huius sanctificationis idem Ambrosius lib. 3. de Sacramentis c. 1. vocat hanc ablutionem Mysterium. Et quia devotus vñus huius ceremonie etiam valebat ad remissionem peccatorum venialium, vt docet Cyprian. sermone de Ablutione pedum, id est vocatur ab eodem Ambrosio Sanctificatio, & à Cypriano Sacramentum: nam significabat sanctitatem animæ necessariam ad sumptionem Eucharistie; & eam ex devotione sumentis quodammodo conferebat. Verum quia non habebat hanc vim ex opere operatus, id est verè non erat Sacramentum: vnde numquam in Ecclesia Romana fuit visitata.

Denique excluduntur ea, quæ Christus tantum usurpavit ad hominū sanctificationē. Ut Luc. 7. hæc verba, Remittimus tibi peccata tua; et si enim haberent hæc vim sanctificandi, vt à Christo prolatæ, tamen non sunt instituta, vel lege aliqua sancta, vt nos illis vñamur. Similiter Influsso Domini, & linguae ignæ, quibus sanctificati Apostoli, & alia huiusmodi, non sunt Sacraenta; quia nulla lege stabili sunt ordinata, vt homines illis vñerentur; sed Deus tantummodo his vñus est.

Tertiò dicitur in definitione, Ad veram animæ sanctitatem designandam. Nam Sacramentum debet rem arcana & sacram designare; externa autem significare, sanctitas non est arcana, nec multum sacra; vnde D. Thomas a. 2. ad 3. dicit, ea vocari Sacraenta, quæ significant humanæ sanctitatis perfectionem, & Concil. Florentinum dicit Sacraenta veteris legis significasse gratiam per Christum dandam. Hinc.

Cur Baptisma dicitur Sigillum.

Hinc excluditur aqua benedicta: quia etsi sit cæ-  
remonia sacra, & ad aliquam sanctificationem  
instituta (præsertim si vi sua delet peccata venia-  
lia, vt multi censem) tamen non designat gra-  
tiam sanctificantem vel actu dari, vel dandam per  
Christum. Similiter prima Tonsura non est Sa-  
cramentum, licet aliquam sanctificationem con-  
ferat. Idem dico de Manus impositione facta Ca-  
techumenis, Signatione Crucis corundem, Vn-  
tione in vertice, Professione religionis Mona-  
chorum, Absolutione ab excommunicatione,  
Dispensatione irregularitatis, &c. Hæc enim &  
huiusmodi, Sacraenta non sunt; quia non signi-  
fiant veram sanctitatem conferri, aut conferen-  
dam per Christum. Quam ob caussam Ecclesia nō  
potest instituere Sacraenta: quia cùm non pos-  
sit gratiam p[er] se conferre, non potest etiam cæ-  
remonias instituere, quæ significant illam, vel actu  
conferri, vel aliquando conferendam.

Ecclesia  
non potest  
instituere  
Sacraenta.

Dices: Sacramentum est signum practicum:  
ergo si significat veram sanctitatem, etiam eam  
operator.

Respondeo, Sacramentum in genere non dici-  
tur signum practicum, quasi operetur omne id  
quod significat; sed quia saltem aliquid operatur,  
per quod significet alterum. Sacraenta enim  
vetera operantur sanctitatem corporalem, per  
quam significant spiritalem. Itaque, omne Sacra-  
mentum operatur sanctitatem animæ; vel figura-  
ram eius, per quam, ipsam veram sanctitatem de-  
signet.

Carica-  
tur Practi-  
cum.

16  
Sacra-  
menti ratio-  
nis &  
veteribus  
vniuoca, &  
analogia,

Ex his patet Primo, Rationem Sacraenti  
non eodem modo conuenire nouis & veteribus  
Sacraenta. Nam in veteribus Sacraenta principale  
est significare, secundarium est sanctifica-  
re: ideo enim sanctificant, vt per hanc sancti-  
tatem significant veram animæ puritatem dandam  
per Christum. In nouis autem Sacraenta principale  
est sanctificare, secundarium significare.  
Itaque, etsi vniuocè videantur conuenire in  
ratione significandi, cùd quòd vtrique significant  
sanctitatem spiritualem, vel præsentem, vel fu-  
turam; non tamen in ratione sanctificanti. Vnde  
si Sacramentum dicatur à significando rem sa-  
cram, sunt vniuocè Sacraenta; si autem à con-  
ferendo sanctitatem, analogicè sunt Sacraenta.  
Nam Sacraenta vetera conferunt sanctitatem  
corporalem, noua vero spiritualem; quæ analogicè  
conueniunt in ratione sanctitatis; sicut umbra &  
veritas, imago & exemplar.

Soluitur  
Obiectio.

Dices, Sacrificio veteris Legis non dicuntur  
analogicè sacrificia respectu sacrificij noui; vtra-  
que enim sunt perfecta sacrificia: ergo nec Sacra-  
menta vetera dicuntur analogicè Sacraenta re-  
spectu nouorum.

Respondeo Negando Consequentiam; Quia  
ratio sacrificij consilit in eo, quod diuinæ mai-  
estati summus cultus externus offeratur in agnitio-  
nem summi dominij, quod vnicum est; vnde omnia  
sacrificia sunt eiusdem rationis: At ratio Sa-  
cramenti cōsilit in cæmeronia qua sanctificantur  
homines. Sanctificatio autem duplex est, scilicet  
corporalis & spiritualis; quæ analogicè coreniunt  
in ratione sanctitatis; sicut umbra & veritas in  
ratione exemplaris. Confirmatur; quia Concilium  
Forentinum & Tridentinum distinguunt Sacra-  
menta vetera à nouis, quod vetera solum signifi-  
cant veram sanctitatem; noua non tantum signi-  
fiant veram sanctitatem;

cent, sed etiam conferant: atqui id quod dicitur  
tale, solum quia est signum, est analogicè tale  
cum eo comparatum quod est tale, quia causa: si-  
cuti vrina & medicina dicuntur sana analogicè.  
Hinc tamen nō sequitur Sacraenta vetera abu-  
sivè dici Sacraenta; quia nomen Sacraenti  
multa significat, & vltate dicitur de eo quod so-  
lum est signum sanctitatis: vt patet ex D. Augu-  
stino suprà.

Patet Secundò, Quomodo Sacraenta legis  
veteris & legis nouae possint definiri. Sacra-  
mentum legis veteris, est Cæmeronia sacra, per corpora-

Definitio  
Sacra-  
menti veteris  
& noui.

lem sanctificationem quam consert, veram anima sancti-  
tatem per Christum conferendam, significans. Sacra-  
mentum nouæ legis, est Cæmeronia sacra veram anima

sanctitatem non solam significans, sed etiam conferens.

Hinc etiam intelligitur definitio Magistri dist. I.

vbi definit Sacramentum nouæ legis: Sacra-  
mentum est inuisibilis gratia visibile forma, eiusdem gratia  
similitudinem gerens & causa existens: vbi per simi-  
litudinem, intelligit proportionem illam natura-  
lem, quæ est in materia & forma Sacraenti,  
ad significandum effectum Sacraenti: Exempli  
gratia, Ablutio corporalis habet proportionem  
quandam ad spiritalem, vt eam possit significare  
accidente institutione diuina. Similiter verba ac-  
cepta cum significacione, quam habet ex homi-  
num instituto, sunt idonea ad significandam ani-  
mæ ablutionem, accidente eadem diuina institu-  
tionem. Similiter modo definit Catechismus Cö-  
ciliij Tridentini: Sacramentum est inuisibilis gratia  
signum visibile, ad nostram sanctificationem institutum.

Patet Tertiò, Sacramentum formaliter non  
esse entitatem aliquam reali seu physicam, sed  
inuolucrare aliquid morale; sicut pecunia inuoluit  
estimationem hominū ex impositione Principis. reale.  
Materiale in Sacramento est aliquid reale, sicut  
in pecunia aurum & argentum; scilicet cæmero-  
nia sacra exterior: Formale autem est duplex;  
Primo, Ratio signi, fundata partim in ipsa rerum  
& verborum analogia cum rebus sacris; partim in  
diuina institutione, qua ratio signi compleetur.

Non est  
ens ratio  
nisi.

Dices: Ergo Sacramentum est ens rationis.  
Respondeo Negando Consequentiam; Sicut  
nec pecunia est ens rationis: quia ens rationis  
solum est dum intelligitur, Sacramentum autem  
est etiamsi nemo de illo cogitet. Et ratio est, quia  
esse signum ex institutione significans, non est esse  
ens rationis, sed includere denominationem ex-  
trinsicam à reali institutione seu impositione; di-  
cit enim rem sensibilem, quatenus subest deputa-  
tioni ad aliquid significandum, ex qua deputatio-  
ne accipit moralē quandam aptitudinem, ad  
excitandam cognitionem rei significatæ in ijs, qui  
institutionem norunt; & in hoc consilit ratio si-  
gni. Simili modo esse Regem, Dominum, Do-  
ctorum, non sunt entia rationis, sed dignitates  
morales pendentes intrinsecè ab aliquo actu reali,  
à quo subiecta extrinsecè denominantur. Et hæc  
ratio signi completer rationem veteris Sacraenti,  
quatenus excludit ulteriore perfectionem, scilicet  
causalitatem gratia: Respectu autem Sa-  
cramentorum nouæ legis, est ratio generica. Vnde  
alterum formale, quo completur ratio Sacra-  
menti noui, est esse causam sanctitatis anime: &  
per hanc rationem cause, veluti propriam dif-  
ferentiam, constituitur ultima ratio Sacraenti  
nouæ legis.